

SL(5)438 – Gorchymyn Iechyd Planhigion (Cymru) (Diwygio) (Rhif 2) 2019

Cefndir a Diben

Mae'r Gorchymyn hwn yn diwygio Gorchymyn Iechyd Planhigion (Cymru) 2018 (O.S. 2018/1064) (C. 223) er mwyn cyflwyno mesurau brys i atal Thaumetopoea processionea L. (Gwyfyn Ymdeithiwr y Derw) rhag cael ei gyflwyno i Gymru a rhag lledaenu o fewn Cymru.

Mae'r Gorchymyn hwn yn angenrheidiol i sicrhau gofynion iechyd planhigion cyson ym Mhrydain Fawr, i gynnal mesurau bioddiogelwch cyson a sicrhau bod Gweinidogion Cymru yn gallu defnyddio'r gwaharddiadau gofynnol.

Gweithdrefn

Negyddol.

Materion technegol: craffu

Ni nodwyd unrhyw bwyntiau technegol i gyflwyno adroddiad arnynt o dan Reol Sefydlog 21.2 mewn perthynas â'r offeryn hwn.

Rhinweddau: craffu

Nodir un pwynt i gyflwyno adroddiad arno o dan Reol Sefydlog 21.3(ii) mewn perthynas â'r offeryn hwn.

Rheol Sefydlog 21.3(ii) – ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Cynulliad.

Mae'r rheol 21 diwrnod o dan y Ddeddf Offerynnau Statudol 1946 (a ymgorfforwyd yn Atodlen 10 o Ddeddf Llywodraeth Cymru 2006) yn darparu y dyliad gosod offerynnau 21 diwrnod cyn iddynt ddod i rym. Mae hyn yn galluogi Aelodau i geisio diddymu offerynnau o'r fath cyn iddynt gael effaith, am y gall achosi dryswch os diddymir deddfwriaeth ar ôl ei roi ar waith. Fodd bynnag, yn yr achos hwn, mae Llywodraeth Cymru o'r farn bod yr amgylchiadau'n cyfiawnhau torri'r rheol honno. Mae'r Gweinidog Cyllid a'r Trefnydd, fel sy'n ofynnol o dan adran 11A o Ddeddf Offerynnau Statudol 1946, wedi hysbysu'r Llywydd o'r toriad fel y gellir dwyn y mater i sylw'r Aelodau.

Mae'r Memorandwm Esboniadol yn nodi'r rhesymau dros dorri'r rheol 21 diwrnod:

"To ensure controls that are aligned with the rest of Great Britain it has become necessary to breach the 21 day rule. Scotland laid an equivalent statutory instrument on the 12th July and it came into force on the 16th of July. England laid an equivalent statutory instrument on the 15th July and it came into force on the same day.

Currently imports of certain plants of Quercus L., from regions where this pest is present are allowed in accordance with certain controls. However, findings in the wider environment in England and Wales have proved that these controls are not sufficient.

OPM causes heavy defoliation leading to weakening of oak trees. Apart from the intrinsic damage (loss of growth and reduction in timber values) it is also regarded as an important contributor to long term decline



of oak trees in several countries. Contact with the hairs of the caterpillars can also cause extreme irritation for both humans and animals. The wider human health impacts of OPM can lead to school closures and closures of public places for recreation.

It is therefore necessary to introduce strengthened controls to reduce the risk of OPM being introduced and spread in Wales from imported oak plants."

Y goblygiadau yn sgil gadael yr Undeb Ewropeaidd

Ni nodwyd unrhyw oblygiadau i gyflwyno adroddiad arnynt o dan Reol Sefydlog 21.3 mewn perthynas â'r offeryn hwn.

Ymateb y Llywodraeth

Nid oes angen ymateb gan y Llywodraeth.

Mae Gweinidog perthnasol Cymru wedi ysgrifennu at y Llywydd i roi gwybod am yr achos o dorri'r rheol 21 diwrnod a rhoddir rhesymau manwl dros y toriad yn y Memorandwm Esboniadol.

Trafodaeth y Pwyllgor

Trafododd y Pwyllgor yr offeryn yn ei gyfarfod ar 16 Medi 2019 ac mae'n cyflwyno adroddiad i'r Cynulliad yn unol â'r pwynt rhinweddau uchod.

